



A-N-T-I

ALIANSA NASIONAL TIMOR-LESTE BA TRIBUNÁL INTERNASIONAL *The Timor-Leste National Alliance for an International Tribunal*

Sekretáriadu; Asosiasaun HAK, Rua Gov. Serpa Rosa T-091, Faról, Dili, Timor-Leste

Tel: +670-3321040 or +67077289241 or 77367518 / 77179655

e-mail: lanarra.del@gmail.com or moniz@jsmp.minihub.org Website: www.laohamutuk.org/ www.jsmp.tl/ www.haktl.org.

Komunikadu Imprensa

ANTI nia Pozisaun Kona-ba Strutura Foun Governasaun Jokowi no Jusuf Kala

“Akomoda autor krime kontra humanidade iha strutura Governasaun nudar traisaun ba reformasia, insulta boot ba vítima sira iha Indonezia no iha Timor-Leste nomós sei sai beneno ba demokrasia iha futuru”.

Ba dala uluk ANTI louva no kongratula ho Vitoria popular ba povu Indonezia ne'ebé konsege eskolla figura ne'ebé demokratikamente eleitu no sei sai simbolu ba ispiritu demokrasi nian. Ne'e pasu importante hodi hakonu ajenda reformasia iha tinan 16 liu ba kotuk. ANTI apresia tebes no laran metin katak Jokowi – Kalla nu'udar pioneru atu haloos, hametin no haburas liutan natureza demokratizasaun iha Indonezia ba tempu futuru durante periodu Governasaun nian.

Esperansa foun mai ami ne'ebé mos parte vítima husi sirkuntansia violasaun direitus umanus molok no hafoin referendum ne'ebé mak nia kauza halo ema rihun ba rihun nafatin hela ho sofrémentu oin-oin ba krime ne'ebe komete husi militar Indonesia duranti tempu okupasasun nia laran. Faktu krime kontra humanidade ne'e deskobre liu husi CAVR¹ nia relatoriu final hatudu katak minimu ema nain 102,800 mak mate tamba oho, hamlaha no lakon forsada duranti periodu okupasaun militar Indonezia. Iha mos labarik nain 4000 resin mak militar Indonesia lori ba teritoria Indonezia no dadaun laiha informasaun ruma ba sira nia paradeiru. Iha ema 800 resin mak lakon forsadu no too ohin loron familia sira lahatene sira nia paradeiru.

Refere ba rezolusaun Konsellu Seguransa ONU nian Nú. S/RES/1272 (1999), tuir Unidade Krime Seriu iha 24 Feveireiru 2003 hasai karta akuzasaun hasoru Jenerais nain neen hanesan Mayjen Zacky Anwar Makarim, Mayjen Kiki Syahnakri, Mayjen Adam Rachmat Damiri, Kolonel F.X. Suhartono Suratman, Kolonel Mohammad Noer Muis, Kolonel Yayat Sudrajat no Ex Governador Tim-Tim Abilio Jose Osorio Soares. Akuzasaun ne'e inklui mos **eis Jenerais WIRANTO** ne'ebé iha momentu ne'ebé hanesan Komandante Supermu Militar Indonezia nian.

¹ *Chega! The Report of the Commission for Reception, Truth and Reconciliation Timor-Leste*

Iha karta akuzasaun ne'e akuza katak jenerais sira ne'e responsabiliza ba violensia, deportasaun no presekusaun ne'ebé halo skalaun ne'ebé boot no sistematiku hodi rezulta ema 280 maka mate no obriga ema kuaze 200.000 mak halai ba Indonezia-Nusa Tenggara Timur (NTT). WIRANTO rasik nudar Jenerais, Ministru Defeza no Seguransa Indonezia nian no Komandante da Forsas Armadas Indonezia nian mak kaer responsabilidade komandu, kontrollu efetivu ba forsas no milisia sira nomos iha kuinesimentu konaba violasaun grave sira ne'e ne'ebe akontese iha momentu ne'eba. Maski ne'e nia la hola medidas ruma hodi prevene, hapara ka foo kastigu liga ba krimi hirak ne'e. Nune'e nia mak kaer responsabilidade kriminál a'as liu ba krimi kontra humanidade ne'ebe akontese molok no hafoin referendum.

Depois Unidade Krime Seriu hasai karta akuzasaun ne'e, Unidade ne'e mos husu ba Tribunál Distrital Dili atu hasai karta mandadu kapturasaun. Alende ne'e, iha 19 Marsu 2004 Adjuntu Prokurador ba Krime Seriu hasai mos karta ida hodi apoiu atu bele hasai karta mandadu kapturasaun hasoru Jenerais WIRANTO relasiona ho faktus sira ne'ebé justifika katak Jenerais WIRANTO komete violasaun direitus umanus no krime kontra umanidade iha Timor- Leste.

Bazeia ba dadus ka faktus sira ne'ebé temi ona iha leten Aliansa Nasional Timor Leste ba Tribunál Internasional (ANTI) hamutuk ho familia vítima preokupa no sente triste tebes ho strutura governasaun JOKOWI no Jusuf KALA karik atu involve eis kriminozu ruma hanesan Ex-Jenerais WIRANTO ne'ebé sei assume kargu importante ruma iha strutura Governasaun nia laran.

ANTI preokupa tebe-tebes bainhira eis kriminozu ida hanesan WIRANTO hetan privellezu hodi akomoda iha strutura Governsaun Jokowi-Kala ne'e parte ida atu haburas liutan korenti impunidade iha Indonezia, iha ASEAN no iha Mundu, no ida ne'e aktu traisaun boot ba povu Indonezia liuliu ba vitima no familia vitima sira nia konfiansa ne'ebe tau fiar ba Sua Exelensia Jokowi – Kalla iha tempu kampaña eleisaun nian. ANTI hein/husu katak Jokowi-Kalla sei kumpri sira nia promosas ba Povu Indonezia hanesan ita boot sira halo tiha ona ba ema sira ne'ebe envolve iha korupsaun.

Viva Jokowi – Kalla,

Viva Povo Indonesia

Viva Vitima ne'ebe sei mantein ba buka lia los no justisa.

A luta continua!

Dili, 25 Outobru 2014